

Den caso di P.G.,

Huez den LAR ta forza Minister di Husticia tuma un decision dentro di 12 siman



ORANJESTAD (AAN): Diaranzon decision a cay den e caso di LAR cu Procurador General Theresa Croes Fernandez Pedra a entama contra Minister di Husticia.

E P.G. a cuminsa e caso, pa huez ordena Minister di Husticia tuma un decision, pa loke ta e objecion di P.G. riba decision di Minister pa no aumenta su salario y su areglo di pensioen.

Den un landsbesluit riba 7 di October 2004, Gobernador di Antillas den palabracion cu Ministernan di husticia di Hulanda y Aruba a instala un comision special, di cual mr. Hartkamp tabata presidente.

E comision aki tabata encarga pa regla posicion huridico di presidente di corte y e demas miembro di Hof.

Den un rapport di Tripartite

di 11 di January, firma pa Minister di Husticia di Antillas, Aruba y Hulanda a acorda cu a corto plazo, Gobiernonan di Aruba y Antillas lo ehecuta conseho di Hartkamp, pues pa drecha posicion huridico di entre otro Procurador General.

Conseho di Ministro di Antillas riba 8 di Maart a tuma decision di duna un aumento di 25%, cu poder retroactivo.

Gobierno di Aruba sinembargo a duna solamente su promesa, pero no a haci nada.

Pa e motibo ey P.G. di Aruba a cuminsa su caso.

E tabata desea pa e Minister sea dune su aumento, of nenga esaki.

Na momento cu e Minister nenga e aumento, lo mester warda riba resultado di un asina yama

"Bodemprocedure", den cual lo dicidi si di berdad e salario y areglo di pensioen mester worde aumenta of no.

Huez den su evaluacion a bisa cu e ta haya cu Minister Croes ta haci todo por todo, pa no cumpli cu conseho di Hartkamp.

Te hasta el a bay asina leu, di permiti su abogado Hendrick Croes, presenta informacion eroneo den corte, pa purba convence huez.

Huez Gratama, kende tambe ta presidente di corte comun di Antillas y Aruba, a dicta cu e asina yama "voorlopige voorziening" pidi pa sra Fernandez Pedra, ta worde honra.

Esaki ta encera cu Minister di Husticia dentro di un periodo di 12 siman, mester tuma un decision di sea duna P.G. loke e ta desea of nenga esaki.

Na momento cu e nenga esaki, un caso den corte special, esta e asina yama "Bodemprocedure", lo determina si P.G. tin derecho of no, di haya loke el a pidi. E 12 siman aki ta net un tiki prome cu señor Croes baha

como Minister di Husticia. Huez a impone tambe un suma di 10 mil Florin, pa cada dia cu e Minister no cumpli cu e sentencia, e cu un maximo di 250 mil Florin.

Quizas e Minister lo dicidi

di duna P.G. loke e kier, pa asina evita e bodemprocedure, of quizas e Minister lo sigui gasta placa di pueblo y laga e casonan sigui numa, pasobra dentro di algun luna e no lo tey mas toch como Minister di Husticia.

Ola Tropical a laga basta aire humedo atras

ORANJESTAD (AAN)- Ayeramainta djis promer cu nan a alcanza Aruba, un area di nubia, awacero cu strena y lamper a duna Bonaire y Corsou basta awacero.

Aruba a haya cielonan scur cu a adverti cu tin un disturbio den vecindario.

Loke a socede tabata cu un ola tropical, cu antayeranochi tabata te den vecindario di Trinidad, cu un velocidad grandi a acerca y alcanza e islanan. Su tras tin aire humedo cu awemainta en especial por percura pa yobida, acompaña pa strena y lamper.

Mester tene cuenta den e epoca aki, cu condicionnan di tempo generalmente ta permiti nubianan crece y trece yobida diripiente, aunke nan no ta mara na ningun sistema. Juli y Augustus ta conoci como e temporada cortico di awacero.

STANDUP, STANDUP FOR YOUR RIGHT!!



BEST DEAL

Tel: 5827100

(Pariba di Aruba Bank, Paradera)

Pasta di Djente

Pepsodent 3 pa Afl. 10,=

Colgate

3 pa

Afl. 10,=

Aquafresh

3 pa

Afl. 10,=

Prijs mas abou no tin.

BEST DEAL

Paradera.